

廣

州

大

典

陳建華 曹淳亮 主編

# 廣州大典

23

第一輯·廣雅叢書  
第二十三冊

廣州出版社

# 目錄

西魏書二十四卷附錄一卷	清謝啓昆撰	一
續唐書七十卷	清陳鱣撰	一七七
晉書輯本四十三卷	清湯球輯	四六七
晉書十七卷補遺一卷	南齊臧榮緒撰	四六七
晉書十一卷	晉王隱撰	五四七
晉書一卷	晉虞預撰	六二一
晉書一卷	晉朱鳳撰	六二五
晉書一卷	劉宋謝靈運撰	六二六
晉書一卷	梁蕭子雲撰	六二七
晉史草一卷	梁蕭子顯撰	六二八
晉書一卷	梁沈約撰	六二八

晉中興書七卷

劉宋何法盛撰 六二九

晉諸公別傳一卷

六七七

晉紀輯本七卷

清湯球輯 七〇〇

晉紀一卷

晉千寶撰 七〇〇

晉紀一卷

晉陸機撰 七一六

惠帝起居注一卷

晉陸機撰 七一六

晉紀一卷

晉曹嘉之撰 七二七

晉紀一卷

晉鄧粲撰 七二八

晉紀一卷

劉宋劉謙之撰 七二三

晉紀一卷

劉宋裴松之撰 七二四

晉陽秋輯本五卷

清湯球輯 七二五

晉陽秋三卷

晉孫盛撰 七二五

續晉陽秋二卷

劉宋檀道鸞撰 七五〇

漢晉春秋輯本四卷

清湯球輯 七六二

漢晉春秋三卷

晉習鑿齒撰 七六二

晉春秋一卷	唐杜延業撰	七八二
三十國春秋輯本十八卷	清湯球輯	七八五
三十國春秋一卷	梁蕭方等撰	七八五
三十國春秋一卷	劉宋武敏之撰	七九三
蜀李書一卷	晉常璩撰	七九四
漢趙記一卷	前趙和苞撰	七九五
趙書一卷	□燕田融撰	七九六
趙書一卷	□吳篤撰	七九八
二石傳一卷	晉王度撰	七九九
燕書一卷	□燕范亨撰	八〇〇
秦書一卷	前秦車頻撰	八〇四
南燕書一卷	□燕王景暉撰	八〇六
秦記一卷	劉宋裴景仁撰	八〇七
後秦記一卷	後魏姚和都撰	八〇八
涼記一卷	□燕張諮撰	八〇九

西河記一卷

晉喻歸撰

八一〇

涼記一卷

北涼段龜龍撰

八一〇

燉煌實錄一卷

後魏劉昉撰

八二二

南燕書一卷

□燕張詮撰

八二三

燕志一卷

後魏高閻撰

八二三

晉書地道記一卷

晉王隱撰清畢沅輯

八一四

晉太康三年地記一卷

晉□□撰清畢沅輯

八二五

# 西魏書二 十四卷

## 粵東廣雅 書局校刊

首元魏之季孝武不忍賀六渾之偪播遷關西終不免黑獺之  
 氛自是東西對峙各為強臣所制地醜德齊無以相尚然天平  
 改元之始孝武固無恙也則東魏不如西之正天保受禪而後  
 關西猶擁虛號者七八年則西魏較愈於東之促此溫文正公  
 徽文公之書法所以抑東而揚西也乃魏彥深之史無傳而伯  
 起書獨行遂加孝武以出帝之稱而直斥西主之名偏陂不公  
 莫此為甚李延壽本紀頗采彥深先西後東差強人意而列傳  
 猶承周史舊文讀史者不無遺憾焉且志地形者宜據太和全  
 盛之規而伯起轉取武平偏安之局於秦雍諸州雖云據永熙  
 縮籍而漏落良多至西遷廿餘年間州郡增置紛緜名目屢易  
 尤不可以無專書也觀察謝蘊山先生曩在史局編纂之暇與

### 西魏書敘

廣雅書局采

閣學翁公議補是書洎宛陵奉諱家居乃斟酌義例排次成編  
 為本紀一表三考四列傳十二載記一既職事介翁公屬序於  
 子讀其凡例謹嚴有法洵足奪伯起之席而張涑水考亭之幟  
 矣昔平繪撰中興書其體例當類此而隋志不著於錄則唐初  
 已無傳觀察之書不獨為前哲補亡而封爵大事諸表精覈貫  
 串又補前史所未備傳諸異日視蕭常郝經之續後漢書殆有  
 過之無不及也乾隆壬子十一月嘉定錢大昕序

當拓跋氏之衰朝廷失政而邊鎮橫武夫暴興而國柄移天子  
 寄居亞立亟廢蓋高歡一人而援立之帝三焉安定廢而孝武  
 興孝武奔而孝靜立計其得失之故雖不甚相遠而以時論之  
 則孝靜固始為孝武臣也魏收書外孝武而以天平為正豈理

大五百二十八  
小五

也哉南唐謝蘊山觀察舊居史職出剖郡符間以退處數年之暇慨魏收之失當撰西魏書二十四卷以正其失可謂勤學稽古雅懷論世者矣吾觀李延壽北史本紀錄孝武於東魏孝靜之前而不曰西魏意蓋以收為非者然拓跋自崔浩被誅史筆回罔故紀道武以往事多侈辭又自道武以前二十餘世率加以皇帝之號延壽因之不能正也今觀察所紀僅在其末二十五年事固有延壽之得而無其失者然延壽自序言見別史千餘卷今時代遠隔泯亡無一存不獲使觀察據之以考稽同異而裁定焉惜哉惜哉讀者知其網羅放失述作之志存焉可也乾隆五十六年七月桐城姚鼐序

書二通

西魏書敘

二 廣雅書局采

西魏書得錢詹事姚郎中二序足矣今既刻敘錄惟全書未出者蓋中間尚有待於取材精覈耳或就其實可傳信者先刻數卷徐徐葺工可也愚意永熙大統以後直至唐初七八十年之間梁陳碑禁未弛而北朝石刻最夥即如常醜奴志愚嘗見石本其孝明之稱究未能以遽斷也至若一碑中因其子孫源其祖父官闕時地頗有足資考據者若得二三楷書手且就王侍郎昶錢詹事二家及愚齋中蓄拓本殘字一一錄出以供訂證豈直如裴松之注三國吳任臣注十國之附採而已心力稍暇再致書來商之餘不悉翁方綱頓首

承示西魏書敘錄雖未讀全史之文而思議名通體裁精密已略見其凡伯起穢史當時已未漚眾心其抑西揚東祇以身仕

六百九十一

高齊不尊天平則本朝之得統不正此與承祚帝魏同一曲筆史家藉以避禍耳非百世下之公論也大晉首傳宇文弼記清河蕭詵暨斛斯椿以下諸人悉列魏臣洵足正前賢之謬舛弭尚論之牴牾而入闕後事蹟久湮復於一千三百年餘網羅蒐討勒為一家非載籍博而用力深者曷克至此幸即付剞劂早得快讀是所切跂畢沅頓首

西魏書敘

三 廣雅書局採

六百九十二



南康謝啟昆撰

魏孝武帝為其臣高歡逼幸關西歡猶不敢遽即尊位故立清河王世子善見為抗制關中之具陰遂其篡弑之謀耳魏收黨齊毀魏削孝武謚名西魏帝尊卑序失過莫甚焉魏澹後魏書崇文總目稱其正魏收魏書平翰中與書之失隋經籍志作一百卷新舊唐書志俱作一百七卷北史本傳作九十二卷蓋合十二帝紀七十八列傳史論及例目以西魏為正東魏為偽名錄一篇為九十二篇一篇為一卷也以西魏為正東魏為偽名始正焉惜其書亡佚總目稱澹書亡關今魏紀一卷存案澹書本紀太平御覽中引之而收之穢史獨存是以西魏之典故人物闕焉無徵用是慨然搜集舊聞述西魏書竊附彥深之志

元魏稱後魏對曹魏言也永熙三年善見僭大號於鄴魏於是

西魏書敘錄

廣雅書局

有東西之分溫公通鑑稱善見為東魏紀西魏則曰魏朱文公編目義

同蓋以正統子之不使與東魏對稱也第魏澹張大素裴安時

盧彥卿及邱悅元行沖諸書皆佚收書天象志闕陳振孫謂以張大素其文志補之崇文總目云太素魏書凡百篇惟天文志二卷存魏之全史既無從補正今所紀祇四帝二十餘年之事稱後魏書則慮與全史混故題曰西魏書以著其實

孝武遷關中即崩然為西魏始遷之君故本紀始收書本紀書曰出帝不著孝武之號乖謬特甚隋常醜奴墓志又稱明帝考魏諡明者惟明元孝明二帝孝武無明諡疑書志者誤也紀為志傳綱領義貴謹嚴然大事必書者如永熙時大成樂成

大統間頒中興永式廢帝末作九命之典恭帝初立蕭詧為附

六三百八十七

庸復三十六國九十九姓等事北史皆失載殊失重輕今並補入至廢帝時改天下州郡名載地域攷紀則不書猶唐改郡為州及分天下為十道見地理志而不書於紀也

周文承制封拜進退百官悉由周室矣今將相大臣之除罷詳書於紀者所以緹僭踰之權而明威福自天子出也

西魏二十餘年日尋干戈其勝負無關輿喪者紀不書以其事見於大事表北史文帝紀書沙苑之捷而不書邙山之敗義無可諱今補錄之又西魏臣叛降梁與東魏及梁與東魏臣來降者皆州郡得失所繫並特書於紀

日食星變等異具見於紀象考者紀則不書孝武紀書熒惑入斗眾星北流者此天變之大西魏之所由始也前史紀志並書

雖一載其事一載事應義微有別然其事應率多悠繆附會之說實為無取宋史不書事應例甚可法惜其紀志雷同尤為無謂矣

四夷朝貢前史書之本紀編年之末其有不庭之討者載之列傳今並詳異域表以西魏時事甚少不足立傳紀亦不書者省復文也

萬氏史表中西魏將相大臣年表鉤稽史傳最為有功第以周書北史中列傳核之不免尚有闕漏且表至侍中領軍將軍止體固應爾其於效節關中諸臣自未能一一畢載故今仿史記功臣侯表為封爵表差為賅備其不為世表而為年表者以始封之人即多身仕異朝固不能下合周隋而譜其承襲者矣

西魏書敘錄

西魏書敘錄

廣雅書局

庸復三十六國九十九姓等事北史皆失載殊失重輕今並補入至廢帝時改天下州郡名載地域攷紀則不書猶唐改郡為州及分天下為十道見地理志而不書於紀也周文承制封拜進退百官悉由周室矣今將相大臣之除罷詳書於紀者所以緹僭踰之權而明威福自天子出也西魏二十餘年日尋干戈其勝負無關輿喪者紀不書以其事見於大事表北史文帝紀書沙苑之捷而不書邙山之敗義無可諱今補錄之又西魏臣叛降梁與東魏及梁與東魏臣來降者皆州郡得失所繫並特書於紀日食星變等異具見於紀象考者紀則不書孝武紀書熒惑入斗眾星北流者此天變之大西魏之所由始也前史紀志並書雖一載其事一載事應義微有別然其事應率多悠繆附會之說實為無取宋史不書事應例甚可法惜其紀志雷同尤為無謂矣四夷朝貢前史書之本紀編年之末其有不庭之討者載之列傳今並詳異域表以西魏時事甚少不足立傳紀亦不書者省復文也萬氏史表中西魏將相大臣年表鉤稽史傳最為有功第以周書北史中列傳核之不免尚有闕漏且表至侍中領軍將軍止體固應爾其於效節關中諸臣自未能一一畢載故今仿史記功臣侯表為封爵表差為賅備其不為世表而為年表者以始封之人即多身仕異朝固不能下合周隋而譜其承襲者矣

六四百七十七

西魏歷年未久而典制頗為明備今參稽往籍循流討原宇文  
悉本西魏如六官制自大統成於勒成四考一朝制作雖不得  
本帝通典乃以六官為周制之類其全文而鉅目宏綱略可觀覽

魏武晉宣景文周文齊神武雖歿膺帝號而生則人臣求之史  
 義魏武應人漢傳晉宣景文應人魏傳周文齊神武應人後魏  
 傳然魏志不載司馬北魏書不載高歡及周隋書不載李虎李  
 昞皆為本朝諱耳若范蔚宗作後漢書知收魏志之苟或諸人  
 而不立曹操傳李延壽作北史尊周文齊神武為本紀而魏史  
 不立宇文泰高歡二傳斯為無識矣獨周書列傳載隋武元深  
 得史法故今傳西魏諸臣以宇文泰為首也至清河王世子善  
 兒孝武臣也梁王蕭詧魏附庸也故竝立傳魏收則加晉宋齊

西魏書敘錄

廣雅書局采

梁以僭偽島夷之目此與小兒之怒罵無異亦何取乎

兩朝興喪之交編纂列傳貴有限斷如陳之袁憲江總姚察之  
 屬俱已仕隋姚思廉載人陳書漢之董卓陶謙二袁劉表呂布  
 臧洪公孫瓚豈曾臣魏卽苟或事曹而終非曹臣陳壽載人魏  
 志此皆違戾史裁者也考周書所載斛斯椿王盟賀拔勝等乃  
 卒於周孝閔受禪之先者其為魏臣明矣雖蘇綽輩效節周文  
 然周文身以魏臣終事周文者反非魏臣乎北史取周書之賀  
 拔勝念賢人之魏傳義誠允矣餘則因周書之誤而不改是其  
 失均也故今作列傳以孝武入關為始而以宇文受禪為斷  
 西魏臣仕周隋者若于謹尉遲迥諸人雖功名顯於魏義不得  
 立傳然封爵大事異域三表載其爵秩勳紀是亦可以互見不

大四百三十九  
小三十五

嫌關略矣若夫名位淺薄至周隋而始著者自與西魏無與焉  
 可欲豐其部帙而濫入表傳邪

史記立循吏儒林等傳後之為史者名益滋多今仿三國志例  
 人以類從而已賢否自見

紀傳有論贊必如劉知幾所謂事無重出省文可知者方合左  
 氏君子日之旨若依附本篇漫為論贊再述乍同銘頌重敘唯  
 覺繁文誠不免為魏澹所譏矣是書一以澹書為法澹書義例  
 凡列傳必有他事足補正書之闕及有足法戒者始為論以著  
 之餘則否

史家據採羣書若司馬之取裁於世本國語戰國策楚漢春秋  
 班氏之本史記及新序說苑七略之類皆馴雅而可徵信魏晉

西魏書敘錄

廣雅書局采

以降國史多諱穉乘多誣取之不慎無穢貽譏故嘗謂後世作  
 史者必義例九嚴於古苟人與事無關勸懲者削之可也今作  
 是書於一人之微一事之細亦所珍惜採錄而不忍遺者以千  
 餘年文獻放失之後攷古為難義各有取非必以果核藥滓為  
 貴也

李延壽作南北史編次八代之書竝雜史千餘卷其於舊文所  
 安因而不改不敢苟以下愚自申管見誠通人之論蓋史家之  
 體不以沿革為嫌子長孟堅具有往例第南北各自為書岐異  
 抵牾處自多延壽一手連綴頗乏折衷僅事鈔錄是所短耳今  
 參校史文苟事無可增義無可正者卽無所改易亦李氏之義  
 也

大四百三十九  
小三十五

第一卷	帝紀	孝武帝	文帝	廢帝	恭帝	第二卷	表一	封爵	第三卷	表二	大事	第四卷	表三	異域	第五卷	考一	紀象	第六卷	考二	儀制	第七卷	五十八
西魏書敘錄																						
五											廣雅書局印											

考三上	地域	第八卷	考三下	地域	第九卷	考四上	百官	第十卷	考四下	百官	第十一卷	列傳一	孝武帝皇后高氏	文帝文皇后乙弗氏	文帝悼皇后郁久闍氏	廢帝皇后宇文氏	恭帝皇后若干氏	第十二卷	列傳二	扶風王孚	陳郡王元	六十九
西魏書敘錄																						
六											廣雅書局印											

北平王懋

濮陽王順 子偉

洛平王最

魏郡王毗

馮翊王季海 子亨

固道公羅

安昌王均 子則矩

順陽王仲景

博陵王暘 子敏

魏興王融

儀陽王子孝

西魏書敘錄

華山王紀

宋安王瑒

廣陵王欣

潁川王斌之

東陽王榮

長湖公定 淮安王育等

文七王

公主

第十三卷

列傳三上

宇文泰

七 廣雅書局印

第十四卷

列傳三下

宇文泰

第十五卷

列傳四

斛斯椿

長孫冀歸 子彥紹遠澄

賈顯度

樊子鵠

賀拔勝

念賢

第十六卷

列傳五

王巖

宇文顯和

宇文測

婁寶

毛遵

楊儉

第十七卷

列傳六

董紹

八 廣雅書局印

大七十一  
小一十一

乙弗朗	寇洛	梁禦	若干惠	怡峰	劉亮	雷紹	耿豪	陸政	唐永	第十八卷	列傳七	王德	王盟 <small>子勤</small>	王子直	李虎	宇文導	張軌	令狐蚪	趙肅	蔡襲	徐招
西魏書敘錄											九										
<small>廣雅書局印</small>											<small>廣雅書局印</small>										

裴邃	叱列伏適	檀翥	第十九卷	列傳八	李長壽 <small>子延孫</small>	韋祐	郭珍	杳龍超	乙速孤佛保	李棠	柳檜	宋球	第二十卷	列傳九	蘇綽	第二十一卷	列傳十	周惠達	辛慶之	蘇亮 <small>弟湛讓</small>	柳蚪
西魏書敘錄											十										
<small>廣雅書局印</small>											<small>廣雅書局印</small>										

呂思禮 崔騰

第二十二卷

列傳十一

毛鴻賓 弟鴻顯

泉企 子元禮仲遵

趙善

王思政

第二十三卷

列傳十二

楊騰

乙弗繪

西魏書敘錄

李順興

蔣昇

檀特師

孫道溫妻趙氏

孫神妻陳氏

高慎 鄭敬道等

第二十四卷

載記

善見

蕭登

右帝紀一表三考四列傳十二載記一凡廿一篇廿四卷

大九十七  
小二十九

七 廣雅書局

西魏書卷一

南康謝啟昆撰

廣雅書局  
民國書  
詔圖書

帝紀一

孝武皇帝諱脩字孝則廣平武穆王懷之第三子也母李氏性沈厚少言學涉好武事徧體有鱗文年十八封汝陽縣公拜通直散騎侍郎轉中書侍郎建義初除散騎常侍尋遷平東將軍兼太常卿又為鎮東將軍宗正卿永安三年封平陽王普泰初轉侍中鎮東將軍儀同三司兼尚書右僕射又加侍中尚書左僕射中興二年高歡既敗余朱氏廢帝自以疏遠未允四海之心請遜天位歡乃與百寮議以孝文不可無後特召汝南王悅于梁至將立之宿昔而止又諸王皆逃匿帝在田舍先是嵩山

西魏書卷一 帝紀

廣雅書局

道士潘彌望見洛陽城西有天子氣候之乃帝也于是造第密言之居五旬而高歡使斛斯椿求帝椿從帝所親王思政見帝帝變色曰得無賣我邪曰不也曰敢保之乎曰變態百端何可保也椿馳白歡歡遣四百騎奉迎帝入氈帳陳誠泣下霑襟讓以寡德歡再拜帝亦拜歡出備服御進湯沐達夜嚴警味爽文武執鞭以朝使斛斯椿奉勸進表椿入帷門罄折延首而不敢前帝令思政取表曰視此便不得不稱朕矣于是假廢帝安定王詔策禪位焉即位于東郭之外用代都舊制以黑氈蒙七人歡居其一帝于氈上拜天訖自東陽雲龍門入  
永熙元年夏四月戊子皇帝御太極前殿羣臣朝賀禮畢昇闕闔門詔曰否泰相沿廢興代有元天無所隱精靈弗能諭大魏

大四百七十  
小七

統乾德漸區寓半籠九服旁礪三光而上天降禍運踵多難禮樂崩淪憲章漂沒赫赫宗周剪爲戎寇肅肅清廟將成茂草胡羯乘機肆其昏虐殺君害王劔別海內竟其吞噬之意不識醉飽之心自書契以來未有若斯者己大丞相渤海王忠存本朝精貫白日爰舉義旗志雪國恥故廣阿之軍貔虎奪氣鄂下之師金湯失險近者四胡相率實繁有徒驅天下之兵盡華戎之銳桴鼓暫交一朝盪滅元兇授首大憝斯擒揚旆濟河掃清伊洛士民安堵不失舊章社稷危而復安洪基毀而還構朕以託體宸極猥當衆推祇握寶圖承茲大業得以眇身託於王公之上若涉淵水罔識攸津思與兆民同茲嘉慶可大赦天下改中興二年爲太昌元年詔前御史中尉樊子鵠起復本官兼尙書

西魏書卷一 帝紀

一 廣雅書局藏

左僕射東南道大行臺都督儀同三司徐州刺史杜德討元樹高嶽上言建義之家枉爲余朱氏籍歿者悉皆蠲免帝以世易復除徵爲大丞相天柱大將軍太師世襲定州刺史增封九萬并前十五萬戶庚寅加歡子澄侍中開府儀同餘如故壬辰歡還鄴車駕餞別於乾脯山五月丙申節閔帝殂以太傅淮陽王欣爲太師改封沛郡王司徒公趙郡王諶爲太保侍中驃騎大將軍開府儀同三司清河王寶炬爲太尉公侍中太保將軍開府儀同三司司州牧南陽王寶炬爲太尉公侍中太保錄尙書事長孫稚爲太傅侍中驃騎大將軍尙書左僕射元羅儀同三司尙書令驃騎大將軍吏部尙書元世儁儀同三司戊戌以高歡固讓聽解天柱大將軍滅封五萬戶餘悉如故辛丑

大五百三十四

復前司空高歡舊位乙巳帝幸華林都亭宴羣臣班賚有差不林隊主唐猛突入稱慶帝以猛犯禁衛杖之猛辭色有忤斬之階下丁未詔曰無侮獨事炳前經惠此饒寡聲雷往册朕以薄德作民父母乃眷元元寤言增歎今理運惟新哀矜伊始如有孤老疾病無所依歸者有司明加隱括依格賑贍又詔曰理有一準則民無覬覦法啟二門則吏多威福前主爲律後主爲令歷世永久實用滋章非所以準的庶品隄防萬物可令執事之官四品以上集於都省取諸條格議定一途其不可施用者當局停記新定之格勿與舊制相連務在約通無致冗滯己酉以侍中驃騎大將軍儀同三司清河王寶炬爲司徒公庚戌詔曰頃西土年饑百姓流徙或身倚溝渠或命懸道路皆見棄草土

西魏書卷一 帝紀

一 廣雅書局藏

取厭烏鳶言念於此有警夜寐槍櫛之禮誠所庶幾行堊之義莫亦可勉其諸有露屍令所在埋覆可宣告天下乙卯詔內外解嚴六月癸亥朔帝於華林園納訟丁卯寶炬坐事降爲驃騎大將軍開府王如故歸第令羽林衛守改諡武懷皇帝曰孝莊戊寅詔內外百司普汎六級在京百寮加中興四級義師將士並加軍汎六級在鄴百官三級河北同義之州兩級河橋建義者加五級關西二級諸受建明普泰封爵汎級優特之階悉追己卯帝臨顯陽殿納訟丙戌以前驃騎大將軍開府儀同三司斛斯椿還爲前官詔曰間者凶權誕恣法令變常遂立夷貊輕賦莫收天下之意隨以箕斂之重終納十倍之征掩目捕雀何能過此朕屬念蒸黎無忘寢食加田桑始事生業未滋若頓依

大五百三十四

當格或不周展今歲租調且兩收一可來年復舊辛卯以使持  
 節衛大將軍儀同三司尙書左僕射賈顯度為驃騎大將軍開  
 府儀同三司秋七月乙未詔曰頃永安馭運載育皇儲遂錫汎  
 階以申國慶近經普泰便爾中追今罪人既殄舊章斯復宜述  
 往旨用卒前恩皇子汎二級悉可還授文穆廟汎故宜停寢若  
 已受者依例追之庚子復以寶炬為大尉公王寅高歡率眾人  
 自澄口大都督庫狄干入自井陘討余朱兆乙已歡以余朱天  
 光余朱度律送之京師斬於都市己酉以兼尙書左僕射東南  
 道大行臺樊子鶴為儀同三司庚戌詔侍中驃騎將軍左光祿  
 大夫高隆之為使持節驃騎大將軍儀同三司兼尙書左僕射  
 北道行臺率步騎十萬趨大行會高歡隆之解行臺仍為大丞

西魏書卷一

帝紀

四

廣雅書局采

相軍司歡次於武鄉余朱兆大掠晉陽止走秀容并州平乙卯  
 帝臨顯陽殿親理冤獄丙辰以宗師東萊王貴平為車騎大將  
 軍儀同三司是月夏州徙民郭遷據宥州反刺史元嶷棄城走  
 詔行臺侯景率齊州刺史尉景濟州刺史蔡雋等攻討之城陷  
 遷奔梁東南道大行臺樊子鶴大破梁軍於譙城擒其鄴王元  
 樹及譙州刺史朱文開八月壬戌朔高澄來朝燕射班賚部下  
 各有差丁卯以西中郎將元寔為高平王甲戌以車騎大將軍  
 左光祿大夫李珍之為儀同三司庚寅以車騎將軍左光祿大  
 夫崔秉為驃騎大將軍儀同三司辛卯以車騎將軍右光祿大  
 夫高岳為驃騎大將軍儀同三司九月癸未以侍中驃騎大將  
 軍左光祿大夫封津為儀同三司庚子帝幸華林都亭引見元

大五百三十四  
小

樹及公卿百寮將使督將等宴射班賚各有差癸卯進燕郡開  
 國公賀拔允爵為王乙巳帝幸都水南過洛汭遂至瀍澗己酉  
 復田于北原癸丑改封沛郡王欣為廣陵王節閔子渤海王子  
 恕為沛郡王甲寅以侍中驃騎大將軍封陰之任祥並為儀同  
 三司以車騎大將軍河南尹元仲景為驃騎大將軍儀同三司  
 乙卯車駕謁山陵庚申以衛將軍前吏部尙書李神雋將軍將  
 軍右衛將軍婁昭並為驃騎大將軍儀同三司冬十月甲子以  
 使持節衛將軍光州刺史高仲密仲一誤為車騎大將軍儀同三  
 司丁卯以車騎大將軍左光祿大夫潘蠻為儀同三司己卯以  
 車騎大將軍左光祿大夫高琛為特進驃騎開府儀同三司庚  
 寅以使持節驃騎將軍肆州刺史劉貴為驃騎大將軍儀同三

西魏書卷一

帝紀

五

廣雅書局采

司十有一月甲午以車騎將軍揚州刺史斛斯敦為驃騎大將  
 軍儀同三司丁酉日南至祀圜丘戊戌朝會百官於太極前殿  
 甲辰殺安定王朗及東海王暉己酉以前太尉公汝南王悅為  
 侍中大司馬開府葬靈太后胡氏十有二月丙寅以驃騎大將  
 軍領御史中尉蔡雋為儀同三司乙亥以侍中廣平王贊為驃  
 騎大將軍開府儀同三司丁亥殺大司馬汝南王悅大赦改太  
 昌為永興以太宗號尋改永熙

二年春正月庚寅朔朝饗羣臣于太極前殿甲午高歡自晉陽  
 出討余朱兆北齊書紀神武遺賚秦討余朱兆自以大軍繼之在元年冬丁酉大破之於赤  
 嶺嶺北齊書紀神武遺賚秦討余朱兆自以大軍繼之在元年冬兆遁走自殺山東平陽諸行臺己亥己亥為月之十日亥本或作卯誤是月有  
 辛卯癸卯乙卯車駕幸崧高石窟靈巖寺庚子又幸散施各有差

大四百九十五  
少五十八



庚戌儀同三司李珍之薨丁巳追尊皇考為武穆帝皇太妃馮氏為武穆后皇妣李氏為皇太妃以驃騎將軍前滄州刺史高聿為驃騎大將軍儀同三司梁勞州刺史曹鳳東樹州刺史雷能勝等舉城內屬二月庚申以使持節鎮東將軍行汾州事張瓊為驃騎大將軍儀同三司辛酉以司空公高乾為使持節驃騎大將軍開府儀同三司咸陽王坦為司空公三月己丑朔加驃騎大將軍滄州刺史賈顯智開府儀同三司辛卯詔以阿至羅相率降款復以高歡為大行臺隨機裁處甲午以車騎將軍蔚州刺史寶泰為使持節車騎大將軍開府儀同三司相州刺史高乾坐事賜死大都督高敖曹晉陽太師魯郡王肅薨戊申以使持節都督河渭部三州諸軍驃騎大將軍事世襲

西魏書卷一 帝紀

六 廣雅書局宋

今以後京官樂為稱事小職者直加散號將軍願卑官者聽為大夫及員外之職不宜仍前散實參領其中旨特加者不在此例東徐州城民王早簡實等殺刺史崔庠據州降梁梁書武帝紀作主簡實以下至城降六月壬申以驃騎大將軍開府儀同三司尚書右僕射樊子鶴為青膠大使督濟州刺史大都督蔡儁討耿翔丁丑以驃騎大將軍前行南兗州事念賢為儀同三司秋七月辛卯以使持節鎮北將軍大都督秦州刺史万俟普撥為驃騎大將軍儀同三司王辰以太師司州牧廣陵王欣為大司馬侍中以太尉公趙郡王諶為太師竝開府庚戌以前司徒公燕郡王賀拔允為太尉公通鑑攷異曰魏帝紀作賀拔璠案允今監本毛本無作賀拔璠者字阿鞠璠蓋璠字誤為璠耳殿瓦案則司馬時魏書本與今異八月乙丑高澄來朝帝燕於華林都亭班賚部下各有差以驃騎大將軍前南岐州刺史司馬子如為儀同三司戊辰車駕餞澄於河梁仍濟河而返癸酉高歡上表固讓王爵不許請分邑十萬戶節降為品回授勳義從之九月壬子以散騎常侍車騎大將軍左光祿大夫崔孝芬為儀同三司冬十月癸未以衛將軍瓜州刺史秦臨縣開國伯高昌王翊子堅北史魏為儀同三司進爵郡王北史作郡公十一月癸巳持節征北將軍殷州刺史邸珍為徐州大都督東道行臺僕射率將討東徐州十有二月丁巳狩於嵩陽士卒苦寒己巳遂幸溫湯丁丑還宮荊州刺史賀拔勝攻梁雍州拔下達戍及馮翊安定沔陽鄴城等城

西魏書卷一 帝紀

七 廣雅書局宋

大正百三十四

大正百三十七